

Le dotur **Aldo Marcocci** é demez por ferias dai 12 ai 16 de setëmbër y vëgn sostitui dala doturia Grete Mahlknecht a S. Martin 0474 523018 – 349 06 67 034.

Detlaraziun dl Consëi dles Ploanies por i profugs tla Val Badia:

Döta l' Europa é confrontada cun la gran invajun di profugs dal' Asia y Africa. Ince la Val Badia é sforzada da nen to sö. La proposta é da i partí sö danter i 5 comuns. An sint les gran dificoltes, ince na certa averjiun a chësc proiet de acoliënza, por gaujes desvalies.

Porchël orunse recordé i valurs cristians y mostré ch'ara se trata de porsones scöche nos che se mirita nosc respet y nosc aiüt. Propi nostes ploanies inviëia ala solidaritè, a dé aiüt y alberch adöm cun le proiet dla Provinzia y dla Caritas. Les ploanies ô s'impegné tl sorvisc de volontariat y ince da mëte a desposiziun strotöres tan inant ch'al vá debojëgn y ch'ares é adatades.

I orun ince perié por na buna soluziun y condivijiun.

I recordun les parores de nosc Signur: „Iö ê forest (y zënza alberch) y os m'ëis tut sö.... Ci ch'i êis fat al plü püre de mi fredesc, chël ëise fat a me.“

Por l'Unité Pastorala: siur degan Iaco Willeit

Referat a La Val en dedolönesc ,ai 13 de setëmbër, dales 20.00, tl salf dles uniuns cun Tommaso Forni, n teolog che laora tl ciamp dla jonëza: **"E voi, chi dite che io sia?"** Una riflessione sui giovani e il Dio di Gesù Cristo".

PLOANIA SAN MARTIN

La Uniun dles Ères da San Martin **inviëia al iade a Heilig Geist** it'insom Türesc la jöbia, ai 22 de setëmbër, domisdé. I s'incuntun dales 13.00 tla plaza sot la dljia por ji cun n bus a Kasern y a pe inant a Heilig Geist. Dailó mëssa cun siur Iaco y do n domisdé de buna compania storjunse pro a Türesc a mangé na pizza. Präibel anzunziess pro Romi 339 71 64 521 o Rosa 320 37 15 113. Gnide dötes!

PLOANIA LUNGIARÜ

La domënia, ai 25 de setëmbër, **iade ala Mariahilf-Kapelle** dlungia Stilfes (Sterzing) y a Schloss Wolfsturn da Lungiarü demez dales 6.50, mëssa dales 8.30 a Stilfes, tru dles staziuns cuntra la Mariahilf-Kapelle (indöt 4,3 km), marëna, vijita dl ciastel Wolfsturm (ciacia y pëscia) y dales 16.00 gnunse a ciasa. Le iade costa 15 € y le museum 5 €, chi sot a 18 agn ne paia nia. Prenotaziuns cina ai 22 de setëmbër pro Pio Mischi (do les 18.00) 0474 830 450. Düc é inviá!

La Uniun di Èi vá en domënia, ai 18 de setëmbër, a Lungiarü sö por le tru dles staziuns dales 14.00. Düc é der bel invia.

Le Sindacat Cisl é tl Raiun Sozial a Picolin indö dai 11 d'otober inant vigni 2° y 4° dedolönesc dl mëis dales 15.00 ales 17.00. Chiló pón lascé fá la EEEV, domandes por i assëgn familiars, dejocupaziun y i.i. Info al 0474 375 200.

Le KVV é indö davert tl Raiun Sozial a Picolin dai 7 de setëmbër inant vigni edema le dedemesaledema dales 9.00 ales 10.30, tel. 0414 524517

An pó ji dal Sorvisc ai Jogn a se tó les **fotografies** di proiec da d'isté (scora elem., mesana y alta). Por ciarié i retrac tolesse n "stik". Por chi che ne l'á nia, nen ciafon tl Sorvisc ai Jogn por 5 euro. Les foto é debann.

Incö, domënia, 11 de setëmbër, dales 9.00 inant **segra Munt d'Adagn** – spazirada fora por les üties da munt cun de bun da mangé y de bela musiga te deplü üties.



www.unitepastorala.org

Plata dles Ploanies San Martin y Lungiarü



siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

11.09. - 18.09.16 nr. 42

termo da publiché: jöbia 20.00
radio: 90,40 / 93,70

24^a DOMËNIA IA POR L'ANN - C

Vangele do San Lüca 15,1-32

I farisès y i studià dla lege bruntorâ porsura y dijô:

Al se dà jö cun i picíadus y mangia cínamai impara.

Sön chëra ti àl cuntè na parabola y à dit:

Sce un de os à cënt bisces y nen perd öna,

ne làscel nia spo indö les nonantenü tla stëpa

y ti va do ala pordüda, cína ch'al ne la ciafa?

Y do ch'al l'á ciafada,

la tôlel plëgn de ligrëza sön les sciabes,

y canch'al röia a cíasia,

chërdel adöm sü compagns y sü vijins y ti dij:

Ralegrësse cun më;

i à indö ciafè mia biscia che ê pordüda.



I farisès sá tosc da respogne co ch'an dess s'astilé cun n piciadú:

Ai mina, cun de te jënt ne se dán nia jö, an ne se sënta nia impara pro mësa.

Insciö la ponsâ ince i farisès, a chi che Gejú ti cuntâ les paraboles

dla biscia pordüda, dla monëda pordüda o dl fi pordü

Mo Gejú sá coche Chël Bel Dî s'astila cun le piciadú.

Al n'aspeta nia cina che le piciadú vëgn da d'ël plëgn de möia

y ingromé adöm sot al pëis de sü picia.

Chël Bel Dî instës vá a le chirí y ti pîta a val' maniera l'ocajun da dé ota.

Y canch'al ciafa la biscia pordüda ne la dramel nia,

mo al la tol sön les sciabes y fej festa por l'avëi ciafada.

An podess ince dí, chësc é le vangele di tröc che chir Chël Bel Dî

y che vëgn ciafá da d'ël.

Nia ma a chë biscia sora ti vá do Gejú, mo a düc chi che se perd.

Sc'i sun sinziars: I sun düc tres indö jënt che chir y i sun contënc sc'i gnun ciafá.

Chë centejima biscia che se perd capitëia tres indö - lapró sunse datrai ince nos

- mo Gejú les chir dötes.

	SAN MARTIN		LUNGIARÜ
11.09.16 24^a DOMËNIA – ANN C	9.00 Corona 09.30 Gran Mëssa y benedisciun dl tēmp <i>Oferta por le Vinzentinum</i>	11.09.16 Domënia	7.55 Corona 8.15 Gran Mëssa y benedisciun dl tēmp <i>Oferta por le Vinzentinum</i> 14.00 Prozesciun sō La Crusc dala staziun apé dl lift 15.00 Zelebraziun dla Parora de Dî sō la Crusc
12.09.16 Lönesc <i>Inom de Santa Maria</i>		12.09.16 Lönesc	
13.09.16 Dedolönesc <i>Notburga, Jan Crisostomus,</i>	15.00 Mëssa a Bioch + Edmund Frenner + + Franz Bioch y Marta Amort + Maria Pedevilla	13.09.16 Mertesc	
14.09.16 Dedemesaledema <i>Alzada dla Crusc</i>	7.30 Prozesciun da San Linert sō La Crusc 09.30 Mëssa y adoraziun dla Crusc <i>Ores d'adoraziun dales 10.00 ales 15.00</i>	14.09.16 Mercui	7.30 Mëssa + + Tarejia y Paul Wieser + + Vito y Vittoria Clara
15.09.16 Jöbia <i>Maria Adolorada, Dolores</i>	7.30 Mëssa + + + Sepl y Monica Tavella y Maria Winkler + Severino Zingerle Corona por vocaziuns	15.09.16 Jöbia	
16.09.16 Vëndres <i>Cornel, Ziprian</i>	19.30 Adoraziun deboriada 20.00 Adoraziun chita	16.09.16 Vëndres	7.30 Mëssa + siur Heinrich Videsott de rengraziamënt vis y + + de Albina Mischi Pezzei
17.09.16 Sabeda <i>Hildegard da Bingen</i>	15.30 Mëssa tla Ciasa de Palsa 18.30 Mëssa prefestia vis y + + de fam. Tolpeit, Picolin + + Severino y Rita Martin + Otto Zingerle (dl ann)	17.09.16 Sabeda	20.00 Mëssa prefestia por i nüc Katja Clara y Alex Pedratscher + + Angela y Benjamin Clara
18.09.16 25^a DOMËNIA – ANN C	9.00 Corona 09.30 Gran Mëssa	18.09.16 Domënia	7.55 Corona 8.15 Gran Mëssa 14.00 Tru dles Staziuns dla Uniun di Èi

Le dedolönesc dijarunse indô mëssa fora por les capeles: dales 15.00 domisdé.

Al é na atenziun y na scincunda por les vijinanzes y i orun se tó dlaurela da tó pert ala santa mëssa. Incé i scolars dess ester presënc, tan inant ch'ara vá.

Le Ploan